



Motswako o Bohlokwa



Elias Makhapa



Senwamoro le Moratwe ba sepela ka go nanya ka gare ga tsela. Sekutwana o a lwala. Moratwe o mo iša kliniking.





Ba letše ba sa robala ka lebaka la mala.
Mala a Senwamoro a bereka a sa emiše.
Moratwe o lekile se le sela efela mala ga a
eme.



Ba sepela ka go nanya ka gobane
Senwamoro ga a kgone go phakiša. Ga a na
maatla. O goga maoto. O a lwala.





Ba fihlila kliniking. “Molato ke eng le sepela ka go nanya”? Mooki Monwedi a botšiša. “Mooki, ke berekwa ke mala. Gape ke lapile kudu”. Gwa araba Sekutwana.



“E re ke bone”, mooki Monwedi a mo atametša go yena. Melomo ya gago e omile e bile e pharogile. Bula molomo. Naa ka ganong go omile?” Gwa botšiša Mooki Monwedi.





“O bonala o se na meetse mmeleng. Se se bakilwe ke mala a go bereka, “mooki Monwedi a realo.” O na le dika ka moka. Le mahlo a gago a wetše. Mooki Monwedi a bolela gape.



“Dika tša bolwetši ke tše di latelago: dihlabi ka maleng, go hlatša, go fiša mmeleng le go dikologa.” Mooki Monwedi o a hlaloša. Naa ke dife tšeo o beng le tšona?





“Ke na le tšona ka moka. Gape ga ke na maatla, mmele wa ka o bokowa” Senwamoro a hlaloša. Ge mala a bereka a sa fetše, a fokotša meetse mmeleng. A fokotša le dimenerale tša bohlokwa.



“O ka alafa se ka go bušetša tobo ya meetse mmeleng” Mooki Monwedi a hlaloša “O ka dira motswako o boleta go bušetša diela mmeleng wa gago.”





Mooki Monwedi o re motho yo a sa nwego meetse o omelela ka ganong. Motswako o boleta ke o: Bidiša meetse gomme o a fodiše. Diriša digalase tše nne tša meetse ao ka jekeng. Tswaka mahwana a mabedi a swikiri le lehwana le tee la letswai.



Letswai le busetša letswai leo mmele o le lobilego. Meetse a bušetša diela tšeo di lobilwego. Swikiri e dira gore dilo tše ka moka di tsenelele mmeleng.






“Bana ba nwa galase ye tee ya motswako ka pejana. Ba nwa galase dinako ka moka ge mala a bona a fetša go bereka. Ka morago ga fao ba nwa galase iri ka iri.” Mooki Monwedi a tsebiša Sekutwana le Moratwe.



“Batho ba bagolo ba nwa galase tše pedi tša motswako ka bjako. Ba nwa gape galase tše pedi ge mala a bona a fetša go bereka. Le bona ba nwa galase tše pedi iri ka iri”. Mooki Monwedi a realo.





Mooki Monwedi a fa Senwamoro le Moratwe lebotlelo la motswako gomme a re ba itirele gape ge ba fihla gae. Mooki a ba a nweša Senwamoro galase ya gagwe ya motswako.



Ge ba fihla gae, Moratwe a dira motswako ka pela. Senwamoro a nwa iri ka iri go fihla a matlafala. Senwamoro a leboga maele a mooki Monwedi kudu.

